

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書·華中地方·第二七八號

據 清·胡鴻澤修，鍾益馭纂  
清光緒二年刊本，民國二十五年翻印本


影印

江 西 省

# 龍南縣志

(一)

成文出版社有限公司印行



220  
14813  
5800

中國方志叢書·華中地方·第二七八號

據

清·胡鴻澤修，鍾益馭纂  
清光緒二年刊本，民國二十五年翻印本

影印


江西

# 龍南縣志

(二)

1955/5/1

成文出版社有限公司印行



\*10097262\*

中國方志叢書·華中地方·第二七八號

據

清·胡鴻澤修，鍾益馭纂  
清光緒二年刊本，民國二十五年翻印本

影印


江西省

# 龍南縣志

(三)

10/5575

成文出版社有限公司印行



\*10097261\*

docsriver 文川网  
入驻商家 古籍书城

在文川网搜索古籍书城 获取更多电子书

10/55/19  
10/55/19  
10/55/19

中國方志叢書·華中地方·第二七八號

據清·胡鴻澤修，鍾益馭纂  
清光緒二年刊本，民國二十五年翻印本


影印

江西省

# 龍南縣志

(四)

10/55/19  
成文出版社有限公司印行



民國二十五年歲次丙子

# 龍南縣志

龍南文獻委員會翻印

龍南縣政府代印

龍南縣志目錄

卷百

序

凡例

纂修姓氏

邑境八堡圖

縣城全圖

縣署全圖

縣文廟圖

龍城書院圖

卷之一

龍南縣志

卷一

目錄一

志天文

星野

氣候

礦祥

卷之二

志地理

沿革

疆域

山水

形勢

坊鄉

瀝灘窟泉潭俱附

形勝險隘均列

街巷井泉圖堡城市均列



風俗

物產

卷之三

志政事

賦役

戶口甲糧科罰雜稅起運經費養廉倉儲 恩卹均列

鹽課

祀典

文廟壇祀廟祀祠祀均列從祀附

兵制

官制兵額冬練營積儲兵餉兵備演武場均列

戢寇

卷之四

志管建

城池

城內溝渠

官廨

縣官署行署署均列會驛

學校

儒學社學書院學田院田均列書籍附

澤梁

陂塘堤橋渡均列路工附

祠廟

各壇

古蹟

鐘閣亭臺寺觀坊墓均列留書均列

卷之五

志職官

縣長貳

知縣縣丞主簿巡檢典史均列

教職

教諭訓導均列

武秩

指揮千戶百戶守備行司提備行所後營遊擊都司守備千總把總外委均列

名宦

統轄名宦縣名宦均列武名宦附

卷之六

志選舉

科第

入學名額鄉舉名額附

薦辟

貢途

恩拔副歲優貢例貢均列

武科

仕籍

職銜附

寄籍

封贈

鄉賢

五世同堂 壽民壽婦附

卷之七

志人物

儒林

文苑

宦績

武績附

孝友

忠義

善行

隱逸

列女

賢婦節孝烈婦貞女烈女均列

方伎

伎能道釋均列

寓賢

卷之八

志藝文

奏疏

記

各體文

各體詩



龍南縣志舊序

志之爲言記也郡邑有志蓋以記其邑中所有若山川形勝若民風土俗若學校公宇關梁古蹟物產人材名宦節孝寺觀祠廟詩文題咏之屬靡所不有則靡所不記然亦必務從其實而欲以其信傳信俾四方博雅君子心之疑者有所質傳之訛者有所証耳目之所未及者得有所考據而擴充其見聞求不失古九邱禹貢職方之遺意是志之作實史之資也若乃爲是譸張幻妄以驚駭一時非徒誣人適足以自誣者夫豈作志之初意哉曠之爲郡領十邑龍南乃十邑之一也治雖遼僻而其土地人民政事視他邑不少下矧被皇朝聖澤之所涵濡鎮巡藩臬諸鉅公政教之所化導其間可記者充斥旁午奚容指屈第志有未作雖美弗彰議者

以爲缺典予守贛之六年爲宏治庚申政通時和士恬民嬉游書多暇乃相與一二同志咨諏耆老之舊聞采錄耳目之新得在理者登反是者不錄論次成編釐爲五卷凡邑之所有者記悉無遺將傳信於四方以資藉其觀覽署曰龍南縣志愧才薄識淺不能免夫掛一漏萬之譏其於所謂壽張幻妄驚駭一時之說予不敢爲也書成同寅二守馬德用謂予宜序故謬序其所以作志之意如此明宏治十三年庚申知贛州府事何恍撰



龍南縣志舊序

予往龍南得遍觀其崇山絕壑交錯糾紛以爲江廣必守之地比  
守虔盡知其風俗變遷民心治忽之故惜其不得賢者宰之可以  
臥理王尹溫恭愷悌蓋吳中名士也宰龍南三年而大治初見邑  
志缺自下車抵今未嘗忘凡耳目所及轍跡所至往牒遺編章縫  
之士田野故老延覽博訪積久而成編授俞生琳爲之撰請序於  
予予曰國史家乘之重豈徒以文哉蓋齊治之具龍邑建五百餘  
年志獨闕其間沿革興廢疆甸財賦漫無所考卽矜名樹勳者奮  
起後先而光景湮滅鮮能舉其姓氏况所謂治具者哉王尹創爲  
是志旣無可憑襲惟卽其所嘗治者以志之其意遠矣大山巨壑  
故壘猶存宜有以防之頽垣短堦樓櫓弗節宜有以備之腴田瘠

docsriver 文川网  
入驻商家 古籍书城

在文川网搜索古籍书城 获取更多电子书

畝供輸低昂宜有以辨之祀典報祈或淫或濫宜有以正之洪澇  
衝激家室流離有隄障之法險瀟峭壁棧逕阻絕有疏鑿之方佩  
綬者何爲斲於循聲橫經者何爲鮮於召對哲士貞媛能無遺於  
細微詞方雕樸能無競於侈靡豪家鉅黨能無梗於馴讐靈巖秘  
洞則探奇窮幽之暇也紀事咏物則懷古憂時之慨也卉木禽獸  
之產災祥常變之數與夫瑣語藝說纖悉具載至於凡例則立爲  
二編自建置以至今蹟皆因於地者屬之地與自職官以至藝文  
皆成於人者屬之人物簡核而精嚴爾雄而適古可謂良志矣夫  
志之良非難而難於無所襲無所襲非難而難於本乎身之所至  
而政之所出是所謂適於治之具也雖然此成法也有所以爲之  
法者故狐梁之歌可隨也其所以歌者不可爲也王尹率其愷悌

以保赤子而求之甚誠由是化其耳目所及者爲精神轍跡所至者爲心膂遐搜僻採民間疾苦與其覿然惻然者相淪洽而不可解然後爲之記載猶父母登其積藏田廬之數下及於筐篚豕犢之微以遺其子若孫也夫卽其登記者以得其不可解之心可矣不然挾策而求惟其物焉耳是見削木爲鐻而不知其巧之端見捶鈎者而不知其視察之忘也尙得爲善治乎輸子陽爲其子曰良工漸乎矩鑿之中無物不周聖王以治民造父以治馬醫駱以治病同材而各自取焉然則後之觀是志者善取而用之卽其所以爲法者以化民易俗而制其岳險之勢則知天下無不可易治之邑而輒稱化理之難者亦司牧之過也故王尹之所爲志其意誠遠哉尹名繼孝別號岷泉崑山人也明萬曆五年丁丑贛州府

知府歸善葉夢熊撰

龍南縣志舊序

天下之事史乘載之郡國之事邑乘載之天下之大一邑之積也  
邑乘成則郡國之事可考而知矣合邑而歸之郡合郡邑而歸之  
史天下之事可考而知矣周禮小史與外史掌邦國四方之志凡  
列國山川風土物產之詳咸登記註古王者深居禁禦不下堂知  
天下恃此具爾今

天子武功告成申命同文

勅天下郡邑纂修舊志以時上太史余監治虔南適董其事而龍南則  
虔巖邑也邑令鄧子元貞受事數月先以志成告將付汗青請余  
題其首簡余惟今之龍南非舊矣自高砂下歷之割而龍之疆索  
隘矣自細徠閩寇之亂而龍之戶口耗矣問志於龍得無賦猶懸

而彫已草切乎版猶登而民已散乎然而膠庠秀士猶殷絃誦  
登賢書者未闕於鄉也井里細民猶動稼穡業珥筆者漸革其俗  
也文成過化之風尙有存焉者得賢宰沐浴而哂嘆之變其巫詛  
之風嘯以仁儉之澤猶足起凋艾於旣羸剔朽蠹於將腐也叅之  
於志大略可觀矣夫志者識也識其沿革以備損益識其貞衰以  
備法戒訂覈失詳褒譏易位卽不能無憾於後之君子范石湖非  
不彙志吳郡竟以妄議而不得刊非其明驗耶謂之舊志成於俞  
君琳萬歷以後事實闕如也兵燹之餘版付煙燼鄧子掇採舊聞  
敦禮邑故相與續成是編其紀事也核而不詭于實其持論也正  
而不病于激其著官績而定鄉評也寧闕而無濫寧質而不阿覽  
其載筆猶有古良史遺意以是隸之郡乘可以上貢輅軒矣抑余

聞之爲治之道相其萌而先杜之乃可久安而不困龍界九連三  
澗之間禍害之興皆起于外寇蹂躪而清規首難則肇于署者之  
墨蒞斯土者可以知所戒矣余不敏惟是正本清源之道願與諸  
君子共勉焉且樂觀共政之成也志云乎哉

康熙二十二年癸亥仲冬月分巡贛南道丁焯撰





龍南縣志舊序


郡邑有志猶國之有史匪直載事蓋以昭鑒戒維風會也古天子省方必命太史陳風市司納價無非觀民設教爲移風易俗之本故欲挽民風先培世教欲倡教化先求信徵志之不可以已也如是乎龍南雖隸一隅山則玉巖歸美玲瓏嶽崎水則潯渥桃源環匯襟帶人則龍圖大常後先彪炳至于家絃戶誦衣冠文物不下於諸邑邇因滄桑遞變志久不續視記靡資觀法無據有心世道者忍聽其缺而不問耶况世遠年湮其間風土之隆替習俗之淳漓與夫生齒之蕃耗使非重爲修輯欲求信徵無誤其可得歟余蒞贛未半載卽奉

命修志於是各屬莫不從事恐後焉龍令鄧君來僅閱月能敬凜是

命不違朝夕躬親咨訪廣採輿論搜求遺文酌古準今編輯授梓庶幾  
爲龍邑之信史耳余披覽而深嘉之因樂爲之序曰蓋志有次第  
以秩官弁其首所以明官常尊

朝廷也次及衙署隆體統也志地里以正疆界志土產以昭地利戶役  
志而任土之貢以明人物志而靈秀之鍾不泯淳澆異尚風俗紀  
閱世之殊功德在人祠祀識遺澤之遠朝華夕萎悉書文苑詞章  
星孛雲蒸爰表災祥徵應皆覈之確而記之祥俾留心民瘼者一  
展卷間班班可考由是觀官守則思圖報稱稽署宇則思飾廉隅  
視輿圖錯繡則綱繆在未雨之先觀土宜必辨則樽節當物力之  
阜按版籍而懷保是憂綜往哲而景行倍切他如挽頽風崇功德  
人文歲皆何一非移風易俗之攸關觀民設教之所必藉也總之

布公道以協人心本直道以昭天理存古道以振澆漓期於景先  
民之矩矱不渝於菲薄而後卽安因此風氣漸移人心敦古居然  
仁里龍其有瘳官斯士者亦與有功矣此所以亟亟焉志之以媿  
美於國史昭鑒於無窮維風會於勿替也寧徒曰載事已乎  
康熙二十二年癸亥孟冬月知贛州府事三韓李文獻撰





龍南縣志舊序

古邦國典故小史載之此郡邑之志所由昉也第志以記事前事  
之不忘爲後事之師夫使後人不忘前事則志重而使後事必師  
前事則志愈重凡建置興廢之由貢賦土物之宜風俗沿革之異  
與夫官師選舉忠孝節義嘉言懿行必犁然備具確然有據始稱  
全志志固不重哉今

聖天子恩德覃敷海隅日出罔不蒙庥且稽古懋學崇文興怡爰  
語儒臣編輯

大清一統志以補載

皇猷光昭

聖治甚鉅典也迺遍徵十五國志用資採擇而普天郡邑莫不仰承

docsriver 文川网  
入驻商家 古籍书城

在文川网搜索古籍书城 获取更多电子书

上命翦然修志恐後焉續屬龍南舊固有志未修幾近百年兼以屢經  
兵燹殘編斷簡有已志而訛於昔戾於今者利用修有未志而續  
於後遺於前者利用修至若城郭之開廓學宮之遷改戶口之增  
益人文之蔚起則今日之所宜修又烏可以已余考

簡命來蒞茲土未越月憲檄修刊舊志余欽遵之謀於紳衿蒐集故牒  
澂拾遺文稗編巷語罔不咨訪闕疑訂外芟繁剔偽詳加校讐惟  
其所當兩閱月而志成凡建置興廢之由貢賦土物之宜風俗沿  
革之異與夫官師選舉忠孝節義嘉言懿行條分縷晰一披覽間  
遂見閩邑之風景燦若列眉境內之往蹟昭於指掌炳炳麟麟洵  
可爲一方實錄矣於以仰副

上命共襄



鉅典黼黻

皇猷光昭

聖治亦庶乎其有裨焉耳余不敏偕諸君子爲之參稽互訂以成此志  
志成爰爲之序

康熙二十二年癸亥冬月知龍南縣事漢江鄧元貞撰